

經律異相卷第四十

將十

梁沙門僧旻 寶唱等奉勸撰

梵志部第三十

超術師耶若達又從定光佛請記一

寶海梵志述其所夢二

種福梵志聞法憂解三

摩因提梵志將女妻佛四

梵志喪兒從閻羅乞活詣佛得道五

梵志詔施比丘說一偈能消六

梵志奉佛鉢資衆食不減施水中衆生七

梵志遠學值五無反復八

梵志兄弟四人同日命終九

梵志棄端正婦於樹上愛著鄙婢後悔無

益十

梵志夫婦採華失命佛爲說其往事十一

梵志失利養殺女人謗佛十二

超術師耶若達又從定光佛請記第一

過去定光衆祐出現鉢摩大國與四部之衆不可稱計皆來供養給其所須時有梵志名耶若達在雪山側看諸祕識天文地理靡不

貫綜書疏文字亦悉了知耶若達梵志有弟子名曰雷雲聰明博見靡事不通恒爲耶若達所見愛敬不去須臾雷雲梵志念言我今應學者悉皆已備宜報師恩然復貧弊宜當往詣國界求所須者師念我之所愛設吾死  
者尚不能別何況今日欲捨吾去作五百言與之令誦未經幾日悉皆流利是時耶若達婆羅門告五百弟子曰此雷雲梵志技術悉通即以立名名曰超術超術梵志復經數日又白師曰所學已知然書籍所載諸有學術

過者當報師恩師曰汝知是時超術作禮而去爾時鉢摩大國去城不遠有衆梵志並集一家欲共大祠并欲講論有八萬四千梵志共集第一上座諷誦書疏莫不能知以五百兩金及金杖金澡罐各一枚牛千頭用奉上師與第一上座先試其術過者便與超術梵志自念我今何故家家乞求不如詣彼大衆共角技術超術既往衆多梵志遙各喚曰善哉祠主今獲大利乃使梵天躬自下降時八萬四千諸梵志等各起共迎異口同音而作

是語善來大梵神天超術梵志曰吾非梵天  
止止諸賢汝等豈不聞雪山北有大梵志衆  
師名耶若達我其弟子名曰超術便向上座  
曰設知技術者向吾說之爾時彼衆第一上  
座即誦三藏技術無有漏失時超術語上座  
曰一句五百言今可說之上座曰我不解也  
超術便誦三藏及一句五百言大人之相爾  
時八萬四千梵志歎未曾有甚奇甚特我初  
不聞大人之相今尊宜在上座超術移坐上  
座便在第一時彼衆上座極懷瞋恚發此警

願今此人奪我坐處此人所生之處所欲作  
事我恒當壞敗其功時彼施主即依法施上  
座告主人曰我今還以金錢銀錢以相施吾  
但各取五百枚以金罐用供養女人及牛千  
頭還施主人吾不習欲亦不積財已便往詣  
鉢摩大國其王名曰光明於城東門見五百  
梵志者年宿德時彼國王請定光如來日曝  
自十  
火多即以五百金錢各與一文及比丘衆衣  
食供養掃灑令淨勿使有土沙穢惡懸繒旛  
蓋香汁塗地作倡伎樂不可稱計見一女人

名曰善味持七莖華以瓶取水即問此女吾

欲買華女言持用上佛即以銀錢五百請五

莖華女貪銀錢與五莖華行數十步女自念

言此人形貌端正不惜銀錢追呼男子問用  
何爲答曰上佛女曰請二莖華并以上佛願

我後生常爲夫妻超術曰菩薩無所愛惜設  
爲我妻必壞我心梵志女曰我終不相壞正  
使持我施與終必忍行定光佛曰菩薩所行

無所愛惜梵志偈答

父母諸佛尊 日月周行世 不可持施人

餘者決無難

又說偈曰

當忍億劫苦

施頭身耳目

妻子國財寶

車馬僕從人

摩納復以偈答

大山熾如火

億劫堪頂戴

不能壞道意

唯願時授決

即解髮布地而說偈言

破愛嬌慢心

能滅欲怒癡

第一光相足

唯佛照我心

昔我所求願

今日得見佛

今散五莖華  
願得不退轉  
餘二非我華  
王女寄上佛  
無上大導師  
見愍蹈我髮  
佛丈偈答

摩納發大心  
曠濟無量數  
弘誓不自爲  
植衆功德本  
第十一却後無數劫  
五鼎五濁世  
成佛度衆生  
四號字釋迦文  
光明三十二  
奇特人中尊

佛以腳足踏髮而過又以神力接五莖華及  
得我身在虛空中餘有二華住佛兩肩自從  
破梵志祠天事火已後行於正見用平等法

不復墮三塗及在八難時超術我是賣華女  
瞿夷是也出增一阿含經第六卷又出一經  
委悉如前抄寫者漏名漫檢不復能

寶海梵志述其所夢第二

有寶海梵志白佛願如來及比丘僧滿七歲  
中受我四事供養如來許可梵志後時作如  
是念我今已令百千億那由他衆生發菩提  
心然我不知轉輪聖王所願何等爲願人王  
天王聲聞緣覺爲求無上菩提若我來世必  
成佛道我於夜卧當有諸天魔梵諸佛世尊

爲我現夢於睡眼中見有光明即見十方恒沙世界諸佛世尊各各遙授蓮華與之其華微妙各於華臺見日輪像於日輪上有七寶蓋一日輪各出六十億光皆悉來入梵志口中自見其光滿千由旬淨如明鏡見其腹第十一內有六十億那由他百千菩薩在蓮華上結跏趺坐三昧正受復見日鬢圍遶其身於諸華中出諸妓樂又見其王血出污身四方馳走面首似豬噉種種蟲坐伊蘭樹下有無量衆生來食其身唯餘骨鎖數數受身亦復如

是復見諸王子或作豬象或水牛師子狐狼虎豹獮猴等面以血汚身皆噉衆生坐伊蘭樹下復有無量衆生來食其身骨鎖已離數數受身亦復如是或見王子須曼那華以作瓔珞載小弊車駕以水牛從不正道南向馳走復見四天大王釋提桓因大梵天王來至其所告梵志言汝今四邊所有蓮華應先取一華與轉輪王一一王子各與一華其餘諸華與轉輪王一一王子各與一華其餘諸華與諸小王次與諸子并及餘人即皆付之忽然而寤憶念夢中所見諸事得知聖王所

願卑下愛樂生死復知諸王子發心求聲聞  
乘者故我夢見須曼那華以作瓔珞載水牛  
車於不正道南向馳走我何緣故夢見於此  
諸佛世尊以我先教勸闍浮提內無量衆生  
悉令安住三福處故發菩提心請佛及僧滿  
足七歲奉諸所安耳

出寶梵志  
諸如來經

種稻梵志聞法憂解第三

舍衛國有梵志於祇樹間大營田種往看歡  
喜自謂得願即於其夜天雨大雹禾稼皆死  
女復喪亡愁憤憂煩哭無能止時諸比丘入

城分衛見其二相還具白佛須頃梵志躬到  
佛所頭面禮畢佛知其念謂梵志曰世有五  
事不可避脫一當耗減二當亡棄三當病瘦  
四當老朽五當死去唯有道諦得離布施持  
戒梵志意輒便見四諦從今已後既依佛法

附十  
六  
僧爲清信士比丘白佛世尊解梵志意喜笑

而去佛言不但是反解憂過去闍浮利地有  
五主其一主名曰桀貪治國不正大臣人民  
出兵拔白劍到王前共謂王曰寧自知不貪  
害萬姓急出國去不者相害王大戰慄以車

騎出國自織草菅賣以自給大臣人民便拜  
王弟作王治不枉民故王上書自陳從王乞  
一聚可以自給王即與之既得一聚便已治  
正復乞兩聚乃至半國王皆與之如是久遠  
桀貪生念興半國兵攻弟即勝便得故國復

珍寶可往攻之不審已足復欲得是王言欲  
得天王謂言可益莊船與兵相待却後七日  
當將王往言已便化去王到其日興兵莊船  
梵志不來愁憂不樂時一國人民四坐向王  
王啼亦啼王憂亦憂王便生意言曰

興一國兵攻第二轉倍興兵攻第五國往往  
得勝時四海皆屬改號大勝帝釋試之寧知  
足不化作少童梵志姓駒夷氏被髮金杖持  
金瓶住宮門通王王便前坐相勞問畢却謂  
王言我從海邊來見一大國人民熾盛多有

增念隨欲已有復願日盛爲喜從得自在  
有能解者賞金錢一千時有少年名曰鬱多  
言能解假七日來對到第七日白母言我欲  
解王憂母謂子子且止勿行帝王難事子言  
我力能淹到王所言今來對義即乃說偈大

勝王便上金錢一千大勝者即種稻梵志是

時童子鬱多者則我身是也

出義足  
經上卷

摩因提梵志將女妻佛第四

昔摩因提梵志生女端正國王太子大臣長

者來求不得見佛金色三十二相便自念言

如此人比我女便與還家謂婦言今得女婿

踰於我女即莊飾女衆寶瓔珞將女出城母

見佛跡又現分分明謂父言曰寧知空出終不

得婿婦說偈言

姪人曳踵行 患者斂指步 癡人足蹠步

是跡天人尊

父言癡人爲女作患即將女到佛所左手持

臂右手持瓶因白佛言今以此女相惠爲妾

女見佛形姪意繫著其心火然佛即說言

我見邪玉女 尚不欲邪姪 今寧抱屎尿

足觸尚不可

出義足  
經上卷

梵志喪兒從閻羅乞活詣佛得道第五

昔有婆羅門少出家學至年六十不能得道

法應歸家取婦爲居士生得一男端正可愛

至年七歲卒得重病一宿命終梵志憐惜伏

其屍上絕而復蘇親族諫喻強奪殯殮埋著  
城外梵志自念我今啼哭計無所益不如往  
至閻羅王所乞索兒命沐浴齋戒齋持華香  
發舍而去所在問人閻羅王所治爲在何許  
將十  
前行數千里至深山中見諸梵志復問如前  
答曰卿問閻羅王所治處欲求何等答言我  
有一子近日卒亡欲至閻羅王所乞索兒命  
梵志愍其愚癡即告之曰閻羅王治處非生  
人所得到也當示卿方宜從此西行四百餘  
里有大川其中有城此是天神案行世間停

息之城閻羅王常以月四日案行必過此城  
卿持齋戒往必見之歡喜而去到其川中見  
好城郭宮殿屋宇如忉利天梵志詣門燒香  
翹脚祝願求見閻羅王勑門見之梵志啓言  
晚生一男欲以備老養育七歲近日命終惟  
願大王垂恩布施還我兒命王言大善卿兒  
今在東園中戲自往將去即往見兒與諸小  
兒共戲前抱啼泣曰我晝夜念汝食寐不甘  
汝寧念父母辛苦以不小孩喚逆訶之曰癡  
獃老公不達道理寄住須臾名人爲子勿妄

多言不如早去今我此間自有父母梵志悵

然涕泣而去即自念言我聞瞿曇沙門知人

魂神變化之道當往問之即還佛所稽首作

禮具以本末向佛說之實是<sup>用十</sup>我兒不肯復反

謂我爲癡駭老公寄住須更名他<sup>九</sup>爲子永無

父子之情何緣乃爾佛告梵志汝寧<sup>六</sup>愚癡人

死神去便更受形父母妻子因緣會居譬如

寄客起則離散梵志聞之燭然意解稽首

願爲沙門佛言善哉鬚髮自落法衣在身

即成比丘即於座上得羅漢道<sup>出道行品法句經第四卷</sup>

### 梵志諭施比丘說一偈能消第六

昔有梵志財富學問不信正道數與沙門論

不如每聞沙門食人信施不能精進死後當

作牛馬還償施家便密作計設食後世取之

使令其治生素性慳貪歎至寺中寺中有五

百道人便盡請之加敬設食豐好勝他必當

圖得五百牛馬上座一人已得羅漢以知其

念便呼維那勑諸比丘皆當專心人說一偈

即共善加敬上座語曰已償債畢不復得牛

馬矣梵志驚曰道人神聖遂知我意上座於

是具告諸比丘汝得食已慈心念道誦一法言乃可吞須彌山尚能消之況此少食梵志甚慚愧因爲說法廣陳要義心開受道即悟

道迹

出諸經中要事

梵志奉佛鉢衆食不減施水中衆生第七昔有梵志惡不覩佛竊入他舍大聖愍之到其目前欲避馳走不能自致來詣佛所彼時世尊爲說經法喜心生焉歸命佛法僧奉受戒禁繞佛而去即取應器盛滿中蜜兩手擎之欲奉上佛佛告諸比丘我是鉢蜜布與衆

僧時一鉢蜜佛及衆僧皆得滿足鉢滿如故即復授佛佛告梵志著大水無量之流梵志又問何故佛言具足水中蟲螺龜鼈魚鼈悉蒙其味梵志受教世尊欣笑出五色光上至梵天普照五道還繞身三而授菩薩決光從頂入授緣覺決光從口入授聲聞決光從脣入授<sup>持十</sup>地獄鬼畜生光從足入阿難從座起又說地獄餓鬼畜生光從足入阿難從膝入手白言佛不妄笑笑會有意佛告阿難汝見梵志以蜜奉佛對曰唯然今此梵志然後來

世歷二十劫不墮惡趣過二十劫當得緣覺  
名曰蜜具諸比丘言於此梵志以一鉢蜜多  
所饒益而得緣覺佛告比丘於是梵志非但

今世前世宿命亦復如是過去有婆羅門閑  
居寂寞見有神仙有人說言今此仙人佳吉  
難及當往啟受有人報言用爲見此養身之  
種有一五通仙見心所念即於樹間湧在空  
中住其人前見之喜躍即盛滿鉢蜜而奉授  
之仙人受已飛在虛空緣是施德後作國王  
名曰蜜具正法治國壽終生天佛告比丘欲

知爾時五通仙人則我身是爾時梵志今梵  
志是爾時施蜜授天人福緣是今世亦復施  
佛後致緣覺出蜜經

### 梵志遠學值五無反復第八

有梵志在羅閱祇聞舍衛國人多孝養奉經  
修道供事三尊欲得學問即往詣受去國不  
第十一遠見父子二人耕地下種時毒蛇出齧殺其  
子父耕種不輟又不顧視梵志問之耕種者  
又問何來也梵志答言我從羅閱祇來聞此  
國人多孝養奉事三寶故來學問向者是我

之子曰是卿子者何故不憂而反耕種其人答言人生有死物成有敗非愁憂啼哭所可如何設不飲食何益於死者耶卿入城者過語我家吾子已死無復持二人食具來梵志竊念人無反復見死在地靜不愁憂而反索食入舍衛城詣耕家見死兒母語言卿子已死父言但持一人食具來兒母曰如客來寄止來不難去不留此兒如是生是自來死亦獨去非我力所能進退隨其本行追命所生又語其姊姊亦說無常喻梵志語婦卿夫已

死婦爲梵志說譬喻又語奴子大家已死奴子亦說譬喻梵志聞之心感目冥不識東西聞此國孝養奉事三寶故來學問未有善應見五無反復唐勞身心又問行人佛在何所答言近在祇樹給孤獨園梵志即到佛所稽首佛足却坐一面愁憂不樂低頭默無所說佛知其意謂梵志言何爲不樂梵志答言違我本願故愁憂耳佛又問云何具以事答佛言不然不如卿語此之五人最有反復知命無常非愁憂可如還以自定故無有愁憂世

俗人不識無常懊惱啼哭不能自割譬如人身得熱病不自覺知恍惚妄語良醫與藥熱即除愈不復妄語俗人愁憂愚癡醉熱不能自解若自曉無常不復愁憂也如熱得愈此五人皆可道證梵志聞語即自剋責我爲愚冥不知大義今聞佛語如盲得目冥中見明即受五戒稽首而退

出五無  
反復經

梵志兄弟四人同日命終第九

梵志兄弟四人各得五通却後七日皆當命盡自共議言五通之力反覆天地手捫日月

移山住流靡所不能寧當不能避此死對一人言吾入大海上不出現下不至底正處其中無常殺鬼安知我處一人言吾入須彌山中還合其表令無際現無常殺鬼安知吾處一人言吾當輕舉隱虛空中無常殺鬼安知五處一人言吾當藏入大市之中無常殺鬼趣得一人何必求吾四人議訖相將辯王吾等壽算餘有七日今欲逃命冀當得脫還乃覲省唯願進德於是別去七日期滿各各命終猶果熟落市監白王有一梵志卒死市中

王乃悟曰四人避對一人已死其餘三人豈得獨免王即嚴駕往至佛所作禮却坐白言近有梵志兄弟四人各獲五通自知命盡皆共避之不審今者能得脫不佛告大王人有四事不可得離一者在中陰不得不受生二者生不得不受老三者老不得不受病四者病不得不死

持十  
出法句經  
第二卷

梵志棄端正婦於樹上愛著鄙婢後悔無益

第十

有清信士其婦端正威德無倫言語辯才衆

人所敬夫婿不重亦不喜見反愛僕使婦見婿心謂夫言卿不喜我願聽出家婿便聽之即時出家爲比丘尼晝夜精進行道未久證得羅漢然後清信士所敬女人死清信士呼比丘尼歸尼了不肯比丘尼白佛說其本末佛言是清信士前世已毀辱此有德之人此女人生有殊特之志此人常爲壞亂已入大路復欲毀之不能得也佛言過去世時有一梵志婦名蓮華端正絕世梵志不喜所愛著婢用其婢語捨婦山間上優曇鉢樹擇取熟

果棄生與婦婦問君獨噉熟果而棄生者與人夫曰汝可上樹婦即上樹夫取荆棘四市遮樹欲使死不得下樹時國王遊獵見女端

正即問文言卿是何人婦自具本末王念梵志愚駢無知非是丈夫即除荆棘載還宮內立爲王后多諸技藝智辯無雙又能搏博遠近女人來共博戲王后輒勝無能當者梵志善於博奕遂聞后勝念言是我前婦非是異人乃欲詣王現其技術后聞梵志知是前夫啓王現之遂試博戲后偈答曰梵志心懷愧

恨即自剋責悔無所及時梵志者今清信十是時婦者即今婦是彼國王者吾身是也

出夫

經婦

梵志夫婦採華失命佛爲說其往事第十一有一梵志財富無數正有一子年始二十新爲娶婦未滿七日以上春三月夫婦相將至後園戲有一柰樹高大好華婦欲得之無人與取夫知婦意即便上樹正取一華復欲得二上樹枝折墮地而死大小奔波往趣兒所呼天號哭斷絕復蘇宗族無數皆共悲痛聞

之傷心見之哀痛父母怨天謂爲不護棺殮事畢還家涕泣不能自止於是世尊愍傷其愚往問訊之大小見佛悲感具陳辛苦佛語

長者止息聽法萬物無常不可久保生則有死罪福相追此兒三處爲其哭泣懊惱斷絕亦復難勝竟爲誰兒何者爲親於是世尊即說偈言

命如華果熟 常恐會零落 已生皆有苦孰能致不死 從初樂愛欲 可姪入胞景受形命如電 曇夜流難止 是身爲死物

精神無形法 作令死復生 罪福不敗亡終始非一世 從癡愛久長 自作受苦樂身死神不喪

長者聞偈意解忘憂長跪白佛此兒宿命作何罪孽盛美之壽而便中夭唯願解說本所

持十

十五

行罪佛言昔時有一小兒持弓箭入神樹中戲邊有三人看樹上雀小兒欲射三人勸言若能中者世稱健兒小兒意美引弓射之中雀即死三人共笑助之歡喜而各自去經歷生死無數劫中所在相遭共會受罪其三人

者一人有福今在天上一人生海中爲化生  
龍王一人今日長者身是此小兒者前生天  
上爲天作子命終來下爲長者作子墮樹命  
絕即生海中爲化生龍子即生之日金翅鳥  
王取而食之今日三處懊惱涕哭寧可言也

以其前世助之喜故此三人者報以涕哭

法出

句譬經第五卷

梵志失利養殺女人謗佛第十二

舍衛國王大臣人民奉敬世尊四事供養棄  
捨梵志梵志共議當求好女殺埋樹間令瞿  
曇

曇衆惡名遠聞待遇我者即共逼教好首文  
人言汝從今以後朝暮詣佛令萬姓見知小  
女承教便取殺之埋著樹間梵志到王宮門  
稱怨喚言我曹學中有一女人獨最端正華  
色無雙生死不知處王謂言曰常至何所對  
言往瞿曇間王言當於彼求便到祇樹掘出  
女屍著於牀上遍巷稱怨言沙門瞿曇常稱  
戒德弘普無上如何私與女人通情復殺藏  
之有何法式時諸比丘入城乞食人民罵言  
是曹沙門所犯若此當得衣食比丘便持空

器出城還以白佛佛告比丘我被是謗不過

七日耳時維闍女於城中聞比丘求食心空

器還到佛所頭面作禮叉手白佛言願併及

僧從我家飯七日佛默然受之佛告阿難汝

與衆僧入城里巷說偈言曰

當欺倒邪冥 說作身不犯 重冥行當具

必自受憂苦

維闍是時即飯佛僧

出義足  
經上卷

經律異相卷第四十

音釋

管

沿歡切  
管蒲也  
翹  
舉足也  
騃  
騃也

管

沿歡切  
管蒲也  
翹  
舉足也  
騃  
騃也